

RINGKOT NI MAMINSANG DAKDANAK

**Sai podahon ma dakdanak
di dalan sidalananna,
asa dung matua ibana ndang
tagamon sumurut sian i.
Poda 22:6**



Tu Natoras

Ida ma, teanteanan ni Jahowa do angka dakdanak, jala parbue ni bortian do upana. Psalmen 127:3.

Manang ise na so mangoloi tungkotna, mangkagigihon anakna do i, alai manang ise na holong roha di anakna, tibu do ibana maminsang. Poda 13:24

Biar mida Jahowa do pos ni roha na togu, jala marhaporusan do angka anakna. Poda 14:26
Ajar ma anakmu, binsan adong dope panghirimon, jala unang marpangulahi roham mida anggukna i. Poda 19:18

Haotoon do na tarihot di roha ni dakdanak; alai anggo tungkot paminsang i do paholanghon i sian ibana. Poda 22:15

Unang tung tois hamu maminsang dakdanak i, ai tung sura dilingsingi ho ibana, ndang tagamon mate ibana. Ingkon linsinglinsingonmu do ibana dohot tungkot, jala paluaonmu do tondina sian banua toru. Poda 23:13-14

Tungkot dohot sipaingot mangalehon hapistaran, alai anggo dakdanak na tinadingkon di ibana, pailahon inana do. Poda 29:15

Sai pature ma anakmu, asa dipasonang ho; tutu, lehononna do hasonangan tu tondim. Poda 29:17
Jala saluhut anakmu ingkon ajarhonon ni Jahowa; jala balga do hasonangan ni angka anakhonmu. Jesaya 54:13

Tu Dakdanak

Ikkon pasangaponmu do natorasmu asa lelung mangolu di tano na di lehon ni jahowa debatam diho. 2 Musa 20:12

Ale anaha, unang lea roham mida pangajaran ni Tuhan i; jala unang marnaloja hamu maminsang, ai dipinsang Tuhan i do na hinaholonganna; songon ama tu anak hasudungan ni rohana. Poda 3:11-12

Angka poda ni si Salomo. Anak na bisuk mambahen las roha ni amana, alai anggo anak na oto mambahen arsak ni inana. Poda 10:10. Tangihon ma hata ni amangmu na manubuhon ho, jala unang lea roham tu inangmu, ia dung matua ibana. Poda 23:22

Hamu angka dakdanak, oloi hamu ma natorasmuna di bagasan Tuhan i, ai i do na tama. Pasangaponmu do natorasmu; I do patik na parjolo mardongan bagabaga; Asa martua ho jala lelung mangolu di tano on. Epesus 6:1-3.

Pasangapon mu do natorasmu sian nasa roham,
jala unang halupahon arsak ni inangmu. Sai
ingot ma, na tubu sian nasida do ho; Jala beha
ma bahenonmu mambaloshon tu nasida na
binahennasida i tu ho? Parjamita 7:27-28

Molo tapinsang do ianakhonta, tangis ma
nasida saonari alai marlas ni roha do nasida
haduan. Molo ndang tapinsang ianakhonta, las
do rohana saonari alai tangis do nasida haduan.

Dakdanak do masa depan ni negaranta. Alai
molo gabe matua nasida gabe disiplin, boha ma
masa depan ni negaranta?

Sude hasomalan na so denggan ni halak na
magodang, i ma na so dipinsang manang
dipinsang tingki dakdanak dope ibana.
Ingkon pagodang-godangkon do angka
dakdanak na manghabiari Debata.

Hubuat ma tano liat na mangolu .
Jala lambok do i dibentuk ari tu ari .
Ro do au muse dung salpu taon .
Sada halak do i na hubereng .
Ia tong na awal terkesan pakai .
Jala ndang boi be ahu manguba ibana